



**Foras na Gaeilge**

**LEABHRÁN EOLAIS**

**Comhordaitheoir Pleanála Teanga**

**Oifigeach Foirne**

**Tag: OFPT/1223**

## EOLAS D'IARRTHÓIRÍ

Is iad Foras na Gaeilge (an ghníomhaireacht teanga) agus Tha Boord o Ulstèr-Scotch (Bord Albainis Uladh) an dá chuid den Fhoras Teanga, an comhlacht teanga Thuaidh/Theas, ceann de na comhlachtaí forfheidhmithe a bunaíodh faoi théarmaí Chomhaontú Bhéal Feirste. Is iad seo a leanas na feidhmeanna reachtúla a sannadh d'Fhoras na Gaeilge:

- An Ghaeilge a chur chun cinn;
- Úsáid na Gaeilge labhartha agus scríofa a éascú agus a spreagadh, sa saol poiblí agus sa saol príobháideach sa Deisceart agus, i gcomhthéacs Chuid III den Chairt Eorpach do Theangacha Réigiúnacha nó Mionlaigh, sa Tuaisceart áit ar bith a bhfuil ráchairt uirthi;
- Comhairle a thabhairt don dá rialtas, do chomhlachtaí poiblí agus do ghrúpaí eile san earnáil phríobháideach agus san earnáil dheonach;
- Tabhairt faoi thionscadail tacaíochta, agus deontais i gcabhair a thabhairt do chomhlachtaí agus do ghrúpaí de réir mar a mheastar gá a bheith leo;
- Tabhairt faoi thaighde, faoi fheachtais leis an Ghaeilge a chur chun cinn, agus tabhairt faoi chaidreamh poiblí agus chaidreamh leis na meáin chumarsáide;
- Téarmaíocht agus foclóirí a shaothrú;
- Tacaíocht a thabhairt don Ghaelscolaíocht agus do theagasc na Gaeilge.

Chomh maith leis na feidhmeanna reachtúla thuasluaite tá feidhmeanna reachtúla sannaithe d'Fhoras na Gaeilge faoi réir Acht na Gaeltachta (2012) mar a bhaineann leis an bpróiseas pleanála teanga lasmuigh den Ghaeltacht.

Tá 16 bhall ar Bhord Fhoras na Gaeilge, 8 ón Deisceart agus 8 ón Tuaisceart agus, i gcuideachta Bhord Albainis Uladh, is é Bord an Fhorais Teanga Thuaidh/Theas é.

Tá Foras na Gaeilge freagrach don Chomhairle Aireachta Thuaidh/Theas (CATT), agus go háirithe don Aire Turasóireachta, Cultúir, Ealaíon, Gaeltachta, Spóirt agus Meáin agus don Aire Pobal. Tuigeann Foras na Gaeilge, mar chuid den Fhoras Teanga Thuaidh/Theas, go gcaithfidh a chuid cuspóirí agus straitéisí bheith ag cur le polasaí ginearálta an dá rialtas agus cinnteoidh sé, mar sin, go mbeidh cumarsáid éifeachtach ann leis an dá Roinn chuí, Rúnaíocht na Comhairle Aireachta Thuaidh/Theas, an Roinn Airgeadais agus an Roinn Airgeadais agus Pearsanra. Chomh maith leis sin, cinnteoidh Foras na Gaeilge go bhfuil sé ag cur le ceanglais an Mheamraim Airgeadais agus le hiomlán na gceanglas reachtúil cuí eile sa dá dhlínse.

## Láthair

Beidh an duine a cheapfar freagrach as riar a dhéanamh ar cheantair sonracha tíreolaíoch agus beidh ar an láthair oibre á aontófar a bheith áisiúil don cheantair áirithe sin. Bheadh sé i gceist go mbeadh an t-oifigeach ar an mbóthar ag bualadh le deontaithe agus páirtithe leasmhara ar fud an cheantair seo, ar bhonn rialta. Tá polasaí maidir le hobair chumaisc i bhfeidhm ag Foras na Gaeilge. Tá oifigí ag Foras na Gaeilge i mBéal Feirste agus i gceithre láthair ó dheas a bheidh ar fáil don iarrthóir rathúil.

## Sochair

Baineann na téarmaí agus na coinníollacha seo a leanas le post mar Oifigeach Foirne le Foras na Gaeilge agus cuirfear iad sa Tairiscint Cheapacháin:

Tuarastal: Is é an tuarastal don phost seo ná £32,328-£33,459\*.

D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

*\*Caithfear an post a thairiscint ag bun an scála.*

- Tréimhse an Chonartha: Is post ar chonradh trí bliana atá á thairiscint agus is féidir cur leis an tréimhse sin ag brath ar chúrsaí maoinithe;
- Uaireanta Oibre: Post lánaimseartha atá ann agus caithfear bheith i láthair 42 uair (i seachtain cúig lá). Ceadáítear uair an chloig don lón. Beidh solúbthacht áirithe de dhíth ó thaobh uaireanta oibre de chun riachtanais an phoist a chomhlíonadh;
- Beidh tréimhse phromhaidh i gceist leis an phost seo;
- Saoire Bhliantúil: 25 lá *pro rata* móide Laethanta Saoire Poiblí agus Pribhléide;
- Pá Breoiteachta: Suas le 6 mhí ar phá iomlán agus 6 mhí ar leathphá ach gan níos mó ná 12 mí de phá breoiteachta i dtréimhse 4 bliana ar bith *pro rata*;
- Pinsean: Mar atá ceadaithe ag an CATT;
- Saoire Mháithreachais/Atharthachta: de réir na dteidlíochtaí atá i bhfeidhm ag an am;
- Saoire Uchtála: de réir na dteidlíochtaí atá i bhfeidhm ag an am.
- Saoire Thuismitheoireachta: de réir na dteidlíochtaí atá i bhfeidhm ag an am.
- Fógra faoi Éirí as Post: 5 seachtaine ar a laghad: 13 seachtaine ar a mhéid;
- Aois Scoir: de réir na dteidlíochtaí atá i bhfeidhm ag an am;
- Scor de thairbhe Sláinte: Mar a cheadóidh an CATT;
- Cód Iompraíochta: Mar atá faofa ag an CATT.

## Ginearálta

Tá na hoifigigh faoi cheangal ag:

1. **Na Cumhachtaí Reachtúla, na dualgais agus na hoibleagáidí** mar atá leagtha síos in I.R. Uimh.859 1999 Tuaisceart Éireann “North/South Co-Operation (Implementation Bodies Northern Ireland) Order 1999” agus Airt.1 de “The British-Irish Agreement Act 1999.”
2. **An Meamram Airgeadais** a cheadaigh an Roinn Airgeadais agus Pearsanra agus an Roinn Airgeadais, rud a leagann amach na nósanna imeachta airgeadais agus na socruithe cuntasáíochta don Fhoras Teanga Thuaidh/Theas.

## Painéal

Tá sé i gceist ceapachán amháin lánaimseartha a dhéanamh (ar chonradh téarma seasta 3 bliana). Cuirfear painéal d’iarrthóirí cáilithe le chéile bunaithe ar an bpróiseas earcaíochta seo. Aon iarrthóir cáilithe nach dtairgfear post lánaimseartha dó/di ar an gcéad dul síos, d’fhéadfaí post ag an ngrád seo a thairiscint dó/di as seo go ceann dhá bhliain, sa chás go mbeadh folúntas sealadach sa réimse oibre seo agus acmhainn ann chuige sin.

## An Próiseas Roghnóireachta

Caithfear gach iarratas a dhéanamh ar an bhfoirm a chuirfidh Foras na Gaeilge ar fáil. Ní ghlacfar le CVanna. Ba chóir d’iarrthóirí cóip PDF/JPG den fhoirm iarratais chomhlánaithe a sheoladh ar ríomhphost roimh 12pm meán lae, Dé Luain, 12 Mean Fómhair 2023 chuig: [poist@forasnagaeilge.ie](mailto:poist@forasnagaeilge.ie)

Sa chéad chéim den phróiseas roghnóireachta déanfar an t-eolas ar an bhfoirm iarratais a mheas. Le go rachaidh iarrthóirí ar aghaidh go dtí an chéad chéim eile den phróiseas roghnóireachta tabharfar breithiúnas orthu de réir an eolais a thug siad ar an bhfoirm iarratais agus dá réir sin amháin. I Roinn 2 den fhoirm iarratais iarrtar eolas ábhartha, cuí faoin taithí atá ag iarrthóirí sna critéir atá riachtanach; tá cur síos orthu sa cháipéis seo. Caithfidh iarrthóirí mion-chuntas soiléir a thabhairt ar shamplaí den taithí seo a fuair siad san obair a rinne siad lena léiriú go bhfuil siad inniúil don phost.

I dtús báire, bainfear úsáid as na critéir bhunriachtanacha le gearrliosta a dhéanamh d’iarrthóirí a rachaidh ar aghaidh go dtí an chéad chéim eile den phróiseas roghnóireachta.

Sa dara céim den phróiseas roghnóireachta déanfar tuilleadh measúnaithe ar na critéir atá liostaithe sa cháipéis seo. Is féidir go mbeidh dhá chuid ann:

1. Cur i láthair;
2. Agallamh le hinniúlacht an iarrthóra a mheas.

## SAINCHUNTAS POIST

**Teideal an Phoist:** Comhordaitheoir Pleanála Teanga (An Dlíne ó thuaidh)

**Freagrach do:** An Clár bhainisteoir: Oideachas

**Próifíl an Phoist:** Beidh an Comhordaitheoir Pleanála Teanga (CPT) ag feidhmiú sa Rannóg Pobail & Gnó agus ag tuairisciú do Chlár bhainisteoir na Rannóige sin. Beidh an CPT freagrach go príomha as bainistiú, maoirsiú agus éascú a dhéanamh ar an phróiseas pleanála teanga i líon aontaithe Bailte Seirbhíse Gaeltachta agus Líonraí Gaeilge a bheidh faoina gcúram, agus go príomha ag tacú leo na pleananna teanga a ullmhú. Beidh an CPT ag cabhrú le cuspóirí na heagraíochta maidir le feidhmiú an phróiseas pleanála teanga agus i gcomhlíonadh na riachtanais reachtúla a bhaineann leis.

## PRÍOMHCHÚRAIMÍ

### Cúraimí Straitéiseacha

- Páirt-ghníomhach a ghlacadh i dtascanna taighde a thabharfar faoi maidir le deachleachtais i leith iompair, buanú agus sealbhú teanga i réimsí éagsúla gníomhaíochtaí an Fhorais. Tionscnaimh thacaíochta teanga i réimsí aontaithe a mholadh.
- Beartais agus acmhainní tacaíochta maidir le neartú na Gaeilge sa phobal a mholadh agus a fhorbairt.
- Spriocanna cuí a fhorbairt de réir mar a aontófar leis an bhfhoireann bainistíochta agus monatóireacht a dhéanamh orthu.

### Cúraimí Oibríochtúla

- Bainistiú, maoirsiú agus éascú a dhéanamh ar an phróiseas pleanála teanga i líon aitheanta Bailte Seirbhíse Gaeltachta agus Líonraí Gaeilge.
- Oibriú go dlúth le líon aitheanta ceannagraíochtaí le tacú leo a bpleananna teanga a ullmhú agus a sholáthar trí chomhairle agus tacaíocht a thabhairt dóibh mar a bhaineann sé le riachtanais na bpleananna teanga – idir taighde, faisnéis, feasacht sa phobal, anailís ar eolas/staitisticí, beartais teanga, cláir caiteachais/buiséad agus tuairisciú/cur i láthair ar an eolais agus de réir mar atá leagtha síos sa Mhúnla do Phlean Teanga agus sna Critéir Pleanála Teanga.
- Comhairle agus tacaíocht a roinnt leis na ceannagraíochtaí agus na Coistí Stiúrtha Pleanála Teanga agus eolas a roinnt faoi threochtaí, staitisticí, polasaithe Stáit a bhaineann leis an Ghaeilge agus an próiseas pleanála teanga.
- Ceardlanna Oiliúna a eagrú de réir riachtanais.
- Saineolas, comhairle, moltaí agus tacaíocht a chur ar fáil d'fheachtais feasachta teanga a bheidh dírithe ar phobail a spreagadh agus a ghríosú le bheith gníomhach sa Phróiseas Pleanála Teanga agus cur chun cinn na Gaeilge i measc na gceantar BSGí agus Líonraí.

### Cúraimí Airgeadais

- An cláir caiteachais agus na hiarratais ar íocaíocht a bhaineann leis na pleananna teanga a bhainistiú agus a riaradh i gcomhar leis an cheanneagraíocht.
- A chinntiú go dtabharfar faisnéis ábhartha airgeadais de réir mar a iarrtar é.
- Tuairisciú don Chlár bhainisteoir ar fheidhmíocht airgeadais.

### Cúraimí Pearsanra

- Cloí le polasaithe agus modhanna imeachta Fhoras na Gaeilge.
- Tuairisciú ar chur i gcrích mhórchuspóirí agus chuspóirí na rannóige.

### Cúraimí Cumarsáide

- Ionadaíocht a dhéanamh thar cheann an Fhorais ar choistí agus ar ghrúpaí oibre i leith dea-fheidhmiú an Phróisis Pleanála Teanga.
- Dea-chaidreamh a chothú le heagrais agus comhlachtaí a bhfuil cuspóirí comónta teanga á roinnt ag Foras na Gaeilge leo, go háirithe An Roinn Turasóireachta, Cultúir, Ealaíon, Gaeltachta, Spóirt agus Meán, Údarás na Gaeltachta agus Na Ceanneagraíochtaí Gaeilge.
- Comhoibriú leis na Comhordaitheoirí Pleanála Teanga eile maidir le dul chun cinn, pleananna oibre agus cur chuige.
- Tuairiscí a ullmhú, de réir mar is gá, ina ndéantar athbhreithniú ar dhul chun cinn agus ar cheisteanna a eascraíonn dá bharr, lena faomhadh ag an bhFoireann Ardbhainistíochta agus an mBord.
- Freastal ar chruinnithe foirne agus rannóige de réir mar is cuí.
- Bheith ag plé le páirtithe leasmhara seachtracha ar cheisteanna a bhaineann le pleanáil teanga.
- Freastal ar chruinnithe eile de réir mar is gá.

***Tugtar an méid seo thuas mar threoir ghinearálta ar chúraimí agus fhreagrachtaí. Ní cur síos iomlán ar na tascanna uile é.***

### Eolas Eile

Tá an Rannóg Pobail agus Gnó freagrach as réimse leathan de scéimeanna deontais agus tionscadail forbartha a reáchtáil agus a riaradh i réimsí an phobail, an ghnó phríobháidigh agus na meáin Ghaeilge.

Faoi Acht na Gaeltachta 2012 tá sé dlite ar Fhoras na Gaeilge plé le pobail lasmuigh den Ghaeltacht chun coincheap na pleanála teanga a phoibliú, a shainmhíniú agus a chur i bhfeidhm le geallsealbhóirí ábhartha.

Faoi Acht tá sé de fhreagracht ar Fhoras na Gaeilge eagraíochtaí a roghnú chun pleananna teanga a ullmhú sna Bailte Seirbhíse Gaeltachta atá suite taobh amuigh den Ghaeltacht agus sna Líonraí Gaeilge. Beidh tréimhse suas le 2 bhliain ag na heagraíochtaí a roghnófar chun pleananna teanga a ullmhú. Is é an cuspóir a bheidh ag na pleananna teanga ná cur le húsáid na Gaeilge sna ceantair lena mbaineann siad chomh fada is a bhaineann sé le cúrsaí teaghligh, pobail, oideachais, sóisialta, gnó agus poiblí. Nuair a bheidh na pleananna teanga

faofa ag an An tAire Turasóireachta, Cultúir, Ealaíon, Gaeltachta, Spóirt agus Meán, beidh tréimhse 7 mbliana ag na heagraíochtaí chun iad a chur i gcrích.

Tá lárphointe eolais forbartha ag Foras na Gaeilge le bheidh mar ábhar tacaíochta do na coistí agus na ceanneagraíochtaí pleanála teanga lasmuigh den Ghaeltacht faoin bhranda Gaelphobal.

### **Líonraí Gaeilge**

Is éard atá i gceist leis na Líonraí Gaeilge ná ceantair a bhfuil bunmhais chriticiúil bainte amach acu maidir le tacaíocht pobail agus Stáit don Ghaeilge. Tabharfar aitheantas faoin Acht do Líonraí Gaeilge ach pleananna teanga a bheith aontaithe leis na pobail sna líonraí éagsúla i gcomhréir leis na critéir pleanála teanga fhorordaithe. Tá Foras na Gaeilge freagrach faoin Acht as tacaíocht a thabhairt d’eagraíochtaí maidir le hullmhú agus cur i bhfeidhm pleananna teanga sna Líonraí Gaeilge. Sa dlínse ó thuaidh, faoi láthair is faoi Fhoras na Gaeilge atá sé Líonraí Gaeilge a ainmniú bunaithe ar an chur chuige céanna atá i bhfeidhm sa dlínse ó dheas.

Mar thoradh ar phróiseas iarratais a eagraíodh in 2016 tá pleananna teanga faofa agus a bhfeidhmíú sna Líonraí Gaeilge aitheanta seo a leanas:

- Inis
- Cluain Dolcáin
- Baile Locha Riach
- Carn Tóchair
- Iarthar Bhéal Feirste

Tá sé beartaithe babhta nua iarratais a eagrú go luath le deis a thabhairt do cheantair eile aitheantas mar Líonraí Gaeilge a bhaint amach.

### **Bailte Seirbhíse Gaeltachta**

De thoradh próiseas comhairliúcháin a eagraíodh in 2014 roghnaíodh na bailte a leanas mar bhailte a d’fhéadfadh a bheith aitheanta mar Bhailte Seirbhíse Gaeltachta ach pleananna teanga a bheith aontaithe leis na pobail sna bailte éagsúla i gcomhréir leis na critéir pleanála teanga fhorordaithe faoi Acht na Gaeltachta. Tá na 3 cinn atá suite sa Ghaeltacht, aibhsithe i ndearg thíos, faoi chúram Údarás na Gaeltachta.

<b>Contae</b>	<b>Baile</b>
Dún na nGall	<ul style="list-style-type: none"><li>• Leitir Ceanainn</li><li>• <b>An Clochán Liath</b></li><li>• Baile Dhún na nGall</li></ul>
Maigh Eo	<ul style="list-style-type: none"><li>• <b>Béal an Mhuirthead</b></li><li>• Baile an Róba</li><li>• Caisleán an Bharraigh</li></ul>

Gaillimh	<ul style="list-style-type: none"><li>• Cathair na Gaillimhe</li><li>• An Clochán</li></ul>
Ciarraí	<ul style="list-style-type: none"><li>• Daingean Uí Chúis</li><li>• Trá Lí</li><li>• Cathair Saidhbhín</li></ul>
Corcaigh	<ul style="list-style-type: none"><li>• Cathair Chorcaí</li><li>• Maigh Chromtha</li></ul>
Port Láirge	<ul style="list-style-type: none"><li>• Dún Garbhán</li></ul>
An Mhí	<ul style="list-style-type: none"><li>• Baile Átha Buí</li><li>• An Uaimh</li></ul>

*Tá an post seo maoinithe 100% ag an Roinn Turasóireachta, Cultúir, Ealaíon, Gaeltachta, Spóirt agus Meán.*



## SONRAÍOCHT FAOIN bPEARSA

### **Critéir Riachtanacha**

- Ardchaighdeán Gaeilge, idir labhartha agus scríofa mar aon le tiomantas don teanga.
- Cáilíocht ábhartha tríú leibhéal sa réimse pleanála teanga nó cáilíocht ábhartha eile i gcomhar le fianaise ar thaithí phraiticiúil sa réimse pleanála teanga.
- Ardscileanna cumarsáide idir áisitheoireachta, comhordaithe agus idirphearsanta.
- Tuiscint / taithí ar ullmhú agus ar fheidhmiú pleananna teanga nó pleananna forbartha pobail.
- Taithí ar thionscnaimh a bhainistiú, a phleanáil, a fhorbairt, a athbhreithniú agus a chur i gcrích, agus tuairiscí a chur ar fáil ina leith.
- Taithí ar chlár oibre a eagrú, a bhainistiú agus a chur i gcrích as do stuaim féin.
- Ardscileanna ríomhaireachta agus teicneolaíocht faisnéise.
- Ceadúnas Tiomána reatha agus úsáid chairr chun críche an phoist nó teacht láithreach ar mhodh iompair taistil sásúil.

### **Critéir Inmhianaithe**

- Taithí ar bheith freagrach as buiséad agus as tuairisciú airgeadais.

### **Cáilíochtaí Pearsanta**

- Ba chóir go mbeadh an iarrthóir féinspreagtha agus díograiseach.
- Ardscileanna idirphearsanta agus an cumas ar bheith ábalta caidrimh oibre tháirgiúla a choinneáil agus a fheabhsú.
- A bheith ábalta dul i gcion ar dhaoine.
- Taithí mar bhall foirne.
- A bheith dírithe ar thoradh a fháil.
- A bheith muiníneach.
- A bheith ábalta déileáil le fadhbanna.
- Nuálach.